

Ja unner Volkssprooch

Kee Wort gegn die hochdeutsch Schprooch!
Mir brauchn sã. Doch muß ich sog,
dõß sã an Ausdrucksvielfalt ka
niemols an unner Volksschprooch na.

Scha wenn mä die Gsichtsöffnung nümmt,
aus därã ä jeds Wörtlã kümmt,
die sich brät mach ka un äh rund -
fã die häßts hochdeutsch bluoßnã Mund.

Die Volksschprooch is do net suo faul:
fã die hot jeder Mensch ä Maul,
fregt net donooch, õb dõs klingt nobl,
wenn sã dich bitt: Komm, halt dein Schnobl,

vielleicht gar grantig brummt: Du Depp,
halt doch dei Klapp, dei dummä Pepp,
dei Waffl!... Gett ihr durch dar Gaul,
macht sã zur Guschn dei schõõs Maul,

tut sich am End zegar vergãssn
un nennt dei Gũschlã dummä Frãßsn, (*Frãßsn*)
üm eizãlenkn dann ä weng:
Loß net dei Lõtsch gleich nunterheng!

Dõs is där Volksschprooch ihr Natur,
is mit manch annern Ding gradsuo.
Wãlls Maul doch is ä Schtück vam Kopf,
nãmm mer es Haupt gleich noch beim Schopf:

Die Volksschprooch kennt in Kopf als Tãz,
als Runkl, Ruum. Niemols mich frãts,
wenn sõggt die Mutter zu ihrn Mãdl,
sie het änn widerschenpstgn Schãdl.

Nũschl, Gũmpl, Mãspl, Kõwl,
wird geschimpft där Kopf net bluoß vam Põpl,
die sõttñ Ausdruck - gar kee Frog -
hõärt mä ja beinah jedñ Tog.

Dõs scha älllee beweist ganz klar:
wos ich behaupt, is wirklich wahr.
Viel reicher wie es Hochdeutsch is
die Volksschprooch, dõs is ganz gewiiß!

H. Hildenstein

ã = Mũntãt-ã!